

**Javna ustanova Opća bolnica
„Prim. dr Abdulah Nakaš“
Broj: 6705-2/17
Sarajevo, 07.09.2017. godine**

Na osnovu člana 18. stav (1) Zakona o javnim nabavkama Bosne i Hercegovine («Službeni glasnik BiH» broj 39/14) - u daljem tekstu: ZJN, direktor Javne ustanove Opća bolnica «Prim. dr Abdulah Nakaš» donosi

O D L U K U
o pokretanju postupka javne nabavke

Član 1.

Javna ustanova Opća bolnica «Prim. dr Abdulah Nakaš» u skladu sa ukazanom i planiranom potrebom, pokreće pregovarački postupak bez objave obavještenja za nabavku radova: Izvođenje dodatnih (nepredviđenih) radova kod nabavke i montaže prozora na visokom stacionaru, Objekat O-I, JRJN: (45215140-0).

Nabavka iz stava 1. obaviti će se pod rednim brojem 23/17.

Član 2.

Zakonski osnov za provođenje postupka javne nabavke predstavlja član 24. stav 1. tačka (a). ZJN.

Član 3.

Predmet javne nabavke, određen u V. Izmjenama i dopunama Plana nabavki za 2017. godinu broj 332-108/17 od 30.08.2017. godine je: Izvođenje dodatnih (nepredviđenih) radova kod nabavke i montaže prozora na visokom stacionaru, Objekat O-I (stavka 3, strana 3.).

Član 4.

Procijenjena vrijednost javne nabavke iznosi do 70.000,00 KM bez uračunatog PDV-a.

Član 5.

Podaci o izvoru – načinu finansiranja: Sredstva za nabavku radova su osigurana od Zavoda zdravstvenog osiguranja Kantona Sarajevo, a u skladu sa Finansijskim planom ZZO KS za 2017.godinu.

Član 6.

Vrsta postupka javne nabavke: Nabavka radova iz člana 1. izvršiti će se shodno odredbama Zakona o javnim nabavkama BiH („Službeni glasnik BiH“ broj 66/16) putem pregovaračkog postupka bez objave obavještenja.
Nije predviđeno zaključivanje okvirnog sporazuma.

Član 7.

Rok za provođenje postupka javne nabavke je do okončanja postupka nabavke predmetnih radova.

Ostali uslovi javne nabavke su određeni tenderskom dokumentacijom.

Član 8.

Ova Odluka stupa na snagu danom donošenja.

O b r a z l o ž e n j e

Šef Odjeljenja za tehničke poslove i investicije Radeta Nedić, dipl.ing.maš. obratio se putem protokola ove ustanove Zahtjevom za provođenje postupka javne nabavke radova broj 6705/17 od 05.09.2017. godine za donošenje Odluke o provođenju postupka javne nabavke radova: Izvođenje dodatnih (nepredviđenih) radova kod nabavke i montaže prozora na visokom stacionaru, Objekat O-I.

Ugovorni organ ima potrebu za nabavkom dodatnih radova za izvođenjem radova nabavke i montaže prozora na visokom stacionaru, Objekat O-I. Naime, Ugovorni organ je donio Odluku o pokretanju postupka javne nabavke radova: Nabavka i montaža prozora na visokom stacionaru, Objekat O-I, putem otvorenog postupka. Nakon provedenog postupka Ugovor o javnoj nabavci radova je zaključen dana 22.06.2017. godine sa Konzorcijem: Stolarija Tadić d.o.o. Istočno Sarajevo i Eko-teh d.o.o. Sarajevo kao izvođačem. U toku izvođenja radova pojavila se potreba za dodatnim radovima usljed nepredviđenih okolnosti koje se ogledaju u prokišnjavanju portala čak i kod manjih količina padavina. Navedeni dodatni radovi nisu specificirani projektom, tako da nisu mogli biti specificirani niti tenderskom dokumentacijom za osnovni ugovor. Navedeni dodatni radovi su neophodni za dalji nastavak radova po osnovnom ugovoru i za izvođenje radova u skladu sa pravilima struke i propisima. Navedeni dodatni radovi po svojoj vrijednosti neće preći 20% od vrijednosti osnovnog ugovora.

Analizirajući predmetni zahtjev, referent za pravne poslove u Odjeljenju za pravne, kadrovske i opće poslove je utvrdio da su ispunjene pretpostavke za realizaciju nabavke, te je shodno zakonu i općim aktima Javne ustanove Opća bolnica „Prim. dr. Abdulah Nakaš“ dostavio predmetni zahtjev direktoru Javne ustanove Opća bolnica „Prim. dr. Abdulah Nakaš“ na konačno odobrenje.

Imajući u vidu navedeno odlučeno je kao u dispozitivu.


PRIPREMILA:
Amira Petrović, BA općeg prava
Referent za pravne poslove

AP

KONTROLISALA:
Sadeta Hrustemović, dipl.iur.
Kordinator za javne nabavke

DOSTAVITI:

- Odjeljenje za ekon.fin.poslove
- Odjeljenje za pravne, kadr.i opće poslove
- ⊙ Komisija za javne nabavke
- A/a



DIREKTOR

Prim. dr. Zlatko Kravić

Zlatko Kravić